



Jesu Kriste Ke Wa Maabane,
Lehono Le Neng-Le-Neng

ka

Mor. William Branham

THAPELO

A Tate wa Legodimong, hle šegofatša yo mongwe le yo mongwe yo a balago puku ye.

A Ko ba dire gore ba tsebe gore O tlo bitša Kereke e maatla ka pele, ya go swana le ye re sa kago ra e bona.

Re sa Go dumela.

Hlola tlhologelo dipelong tšohle gomme, A Moloki a nnoši, thuša mohlanka wa gago yo a ithobilego go tšweletša molaetša wa Gago.

Ke a tseba O mphihlile mo mathateng, bjalo ka ge O dirile Moše ka morero o mongwe.

Ka fao Tate, nthuše gore ke tagafatše leina la gago, ke kgopela se leineng la Jesu.

Amene.

MANTŠU-A-PELE

Puku ye e ngwadilwe gore yo mongwe le yo mongwe yo a e balago a tsebe gore Jesu Kriste o sa Phološa le go Fodiša batho.

Ke tumelo ya ka gore O kgauswi le go bonagala gape.

Puku ye e bolela ka mokgwa wo A hlaotšego mošimane wa modiidi gomme a mmiletša bodireng bja gagwe, ka mokgwa woo mošimane yo a ilego a Mo tšhabela lebakanyana gomme ka morago a sokologela go yena Ka pelo e feletšego.

Jesu Kriste Ke Wa Maabane, Lehono Le Neng-Le-Neng

Ke belegwe Nageng ya Cumberland, Kentucky, ka mokutwaneng wa dikota. Tate le mma ba nyalane e sa le ba bannyane gomme ke bile ngwana wa pele. Ke boditšwe ke mma gore gatee ge ke be ke sa na le kgwedi tše tshela, le tate a se gona gae, re ile ra tlemelelwa-ke-kapoko dithabeng matšatšinyana. Ré hloka dijo gomme mma o be a felelwa ke maatla nako tšohle. Mafelelong a gopolə gore bofelo bo fihlile. A re o ile a kgobela diaparo tša rena diaparo-tša-go-robala gomme a nkgokara matsogong a gagwe a re phuthela ka wona gohle gore re ruthele ka moo go kgonegago.

Mmadi yo a rategago, ke a dumela seo e be e ka ba bofelo ge Mophološi wa rena wa lerato a se tle tiragalong nakong yeo. Eupša O dula a le kgauswi gomme o bonala ka nako ye e lokilego. O boletše le moagišani yo a godilego wa pelo-kgethwa gomme a mmotša gore a tle gomme a bone gore ke ka baka la eng go be go se na muši o tšwago ka tšhimileng matšatšinyana a fetilego. Ge a fihla gomme a tsena ka mokutwaneng a hwetša mma le nna re šetše re bolawa ke tlala. A topa dikgong gomme a dira mollo. Nako yeo a retologela ka mokutwaneng wa gagwe go re tšeela dijo. Ka pejana ra ba re le tseleng ya go ba le maatla le bophelo gape. Ke tumiša leina la Gagwe ka seo.

Ka moragonyana ga fao ra tloga nageng ya Kentucky gomme ra ya Indiana. Tate a ya go šomela molemi yo mongwe kgauswi le Utica, Indiana. Re dutše moo tekanyo ya ngwaga o tee gomme ka nako yeo tate a theogela moeding wa Ohio. Nywaga e mentši ya feta gomme ka gola go fihlela boemo bja mošimane ge Modimo a bolela le nna.

Ke be ke le tseleng ya-ka bošego bjo bongwe go gela meetse ka ngwakong go tšwa ka bobolokelong, se se bego se le bogole bja moago wa toropo go tšwa ngwakong. Ke le go lekana bogare bja ngwako le bobolokelong go be go eme mohlare wa kgale wa mopopuleri. Ke be ke sa tšwa go fihla gae ke sa tšwa sekolong bošego bjoo gomme bašimane ba bangwe ba baagišane ba be ba eya sedibeng sa kgale go yo thea dihlapi. Ke be ke llela go ya eupša tate a re ke swanetše go ga meetse. Ke ile ka ema ka tlase ga mohlare go khutša ge ka pejana ke kwele moyo o tšokotša matlakala. Ke tsebile gore o be o sa foke lefelong le lengwe. Go be go bonala gore ke mantšiboa a homotšego. Ka boela morago go tšwa mohlareng gomme ka lemoga gore lefelo la go ka lekana bogolo bja toromo le bonala le tšutla ka matlakala a mohlare. Nako yeo gwa tla lentšu la re: "O seke wa nwa, wa kgoga, goba wa tšhilafatša mmele wa gago ka tsela e nngwe, gobane ke go beetše mošomo go o šoma ge o gola."

Le ntšošitše ka ba ka tšhabela gae eupša se ga se ka se botša motho. Ka seke ka nwa goba go kgoga. Ke dumela gore Modimo o tlo dira modiro o mogolo matšatšing a mafelelo.

Ge ke godile gore ke tšwa le sehlopha sa baswa, ba be ba ka nthumula gomme ba re ke nna setlaela ge ke sa kgoge goba go nwa. Ba be ba ka re ešita le basetsana ba ka kgoga le gore ba na le dikwi go feta nna. Ka lewa ke dihlong nako yeo go ba botša se se diregilego bophelong bjaka. Eupša, bagwera, ke tloga ke hwetša letago ge ke botša lefase ka sona lehono. Halleluya!

Ge ke na le nywaga e lesome-nne ke be ke šetše ke gobetše kudu ge ke tsoma. Ke feditše kgwedi tše šupago bookelong. Modimo o šomile ka nna eupša ka se ke ka hlokomela. Go bitšwa gwa napa gwa ba therešo go nna. Eupša ke se ka godišwa lapeng la Ba-Kriste ka leka go di efa. 'Nako tše ntši ke kwele lentšwana leo le boletana le mpitša, eupša ka se ke ka e re selo. Ka ba bjalo ka ba ka se kgone go ema le go theetša ge go bolelwa ka kereke.

'Tšatši le lengwe ka fetša ka gore ke hwetše tsela ya go fediša go bitšwa moo. Ka ya bodikela go yo šoma polaseng. Bagwera, Modimo o no ba yo mogolo le gona kua ntle go swana le kae goba kae. A o ke o holege ka boitemogelo bjo bjaka. Ge A go bitša, Mo arabe.

Mosong o mongwe wa Setemere ngwageng wa 1927, ka botša mma gore ke tšea leeto la go yo ithabiša dikampeng tša Tunnel Mill, ye e ka bago meelo e lesomenne go tloga Jeffersonville moo re bego re dula nako yeo. Ke be ke šetše ke beakantše leeto la go ya Arizona le bagwera ba bangwe. Ge mma a kwele gape go nna gore ga ke ka Tunnel Mill eupša ka Phoenix, Arizona ke tšabelo Modimo wa Lerato. Bophelo bja

polaseng bo be bo lokile lebakanyana, eupša bja tswapoga ka pela, go swana le maipshino a fe a lefase. Eupša a nka bolela mo, A go tumišwe Modimo, gore go itemogela ka Jesu go bosana le bosana 'nako tše tšohle gomme ga go tšofale. Jesu o nea khutšo e phethegilego le khomotšo ka mehla.

Nako e ntši ke kwele phefo e tšutla mehlareng e metelele ya mephaene. Go be go bonala o ka re nka kwa lentšu la Gagwe le bitša ka sethokgweng, le re, "Adama, o go kae?" Dinaledi di bonala o ka re di kgauswi-uswi moo o kago di swara ka diatla tša gago. Modimo o banala a le kgauswi-uswi.

Selo se tee se se bonalago o ka re se segolo gonna le ge go le bjalo ka naga yela ke ditsela leganateng. Ge o ka no tšwa tseleng, o timela ka pela. 'Nako tše baeti ba bona matšobana a leganata gomme ba rotoge ba yo a fula. Ba ralale le leganata gomme ba timele gomme nako e nngwe ba hwe ka lenyora. Go bjalo le mo tseleng ya Mo-Kriste — Modimo o na le tsela e lekelelanego. O bolela ka yona ka go Jesaya, kgaolo ya 35. E bitšwa "Tsela-Kgethwa e Lekelelanego." Nako tše ntši maipshinonyana a lefase a go aroša tseleng e lekelelanego. Nako yeo o timeletšwe ke go itemogela ka Modimo. Leganateng ge o timetše, go fela go bonala bodutu. Go batho ba ba hwago ka lenyora bodutu e tlo ba noka goba letsha. 'Nako tše ntši batho ba di kitimela gomme ba wele ka go tšona fela ba ikhwetše ba thuntha ka lešaba-šabeng la go fiša. Nako e nngwe Diabolo o go bontšha se sengwe se a rego ke nako e botse. Seo e no ba bodutu, ke selo seo e sego sa nnete. Ge o ka theetša

o tlo ikhwetša o ikgobeletše manyami hlogong. O se mo hlokomele, mmadi yo a rategago. Dumela Jesu yo a fago ba ba swerwego ke tlala le lenyora meetse a phelago.

Tšatši le lengwe ke hweditše lengwalo go tšwa gae le mpotša gore yo mongwe wa bana-bešu o babja kudu.

E be e le Edward, yo a lego kgauswi le nna. Ruri ga se ka nagana kudu ka fao, ka dumela gore ó tlo loka. Eupša bošego bjo bongwe mantšibuwa ka morago ge ke feta moo batho ba jelago ntshe polaseng ke etšwa toropong ka bona letlakala tafoleng. Ka le topa. Le balega, "Bill, e tla mono mafulong a lebowa. Go bohlokwa-hlokwa." Ka morago ga ge ke badile letlakala leo mogwera wa ka le nna ra tšwa ra ya mafulong. Motho wa mathomo ke kopanego nae mo-rentšare wa kgale wa Lone Star yo a bego a šoma polaseng. Leina la gagwe e be e le Durfy, eupša re be re mmitša "Pop." O be a na le ponagalo e nyamilego sefahlegong ge a re, "Billie mošimane, ke go swaretše ditaba tše di sa kgahlišego." Ka nako yeo molaodi a botoga. Ba mpoditše gore telegrama e sa tšwa go tla e ntsebiša ka lehu la ngwanešu.

Mogwera yo a rategago, ka se kgone go šutha nakonyana. E be e le lehu la mathomo ka lapeng lešu. Eupša ke rata go le botša gore sa mathomo ke ilego ka se nagana e be e le gore ge e ba gona o be a itokišeditše go hwa. Ge ke retologa gomme ke lebelela go putla bjang bjo bo-sorolwana, megokgo ya theoga 'thameng tšaka. Ka mokgwa woo ke eletšwego ka moo re bego re katane mmogo ge re sa le bašimanyana le ke moo go bego go re bela bothata ka gona.

Re be re eya sekolong re hloka dijo tše lekanetšego. Menwana e be e tšweletše dieteng gomme re be re apara 'patši tša kgale re di swarišitše melaleng gobane re be re se ra apara dihempe. Ka mokgwa woo ke elelwago 'tšatši le lengwe Mma a swere dipale ka motomong gore re tle re je. Re be re sa je le bana ba bangwe. Re be re sa fihlele dijo tseo ba bego ba na natšo. Ka mehla re be re tšhabela mmotong gomme re je. Re gopola gore tšatši leo re eja dipale re nagana gore re hlokometšwe gabotse. Ka fao go kgonthiša nka le anegela ka seo ka tšwa pele ga nako, ka tlatša legoswi pele ga ge ngwanešu a hwetša kabelo ya gagwe.

Nako yeo ke eme mola ke lebeletše bjang bjo bo pontšhitšwego ke letšatši ka gopola ka dilo tseo tšohle gomme ka tlabega ge eba Modimo o mo išitše felong le le kaone. Nako yeo gape Modimo a mpitša, eupša bjalo ka setlwaedi ka leka go lwantšha seo.

Ka itokišetša go tla gae polokong. Ge Mor. McKinny wa Kereke ya Port Fulton, monna yo a fo go swana le tate, a rera polokong ya gagwe a bolela gore, "Go ka ba bangwe mo ba sa tsebego Modimo, ge go le bjalo, mo letele bjale."

Joo ka mokgwa woo ke ilego ka kgomarela setulo sa ka, Modimo o be a šoma gape. Mmadi yo a rategago, ge a go bitša, mo arabe.

Nka se lebale ka fao Tate le Mma ba šokišago ba ilego ba lla ka morago ga poloko. Ke be ke ratile go boela Bodikela eupša mma a nkgopela kudu gore ke dule moo

mafelelong ka go ba ka dumela go dula ge nka hwetša mošomo. Ka pejana ka hwetša mošomo le Mokgatlo wa Tirelo ya Batho wa Indiana, moo ke šomago bjale.

Ka morago ga go ka ba nywaga e mebedi ge ke sa leka seela-gase kgwebong ya diela-Gase mo New Albany ke ile ka kgangwa ke gase gomme ya mpabješa dibeke. Ka ya dingakeng tšohle ke di tsebago. Ka se hwetše thušo. Ka swarwa ke gala, e hlotšwego ke gase. E fela e golela pele 'nako tšohle. Ka išwa go bomakgone ka Louisville, Ky. Mafelelong ba re ke lela-kgopo la ka gomme ka re ke swanetšwe go ya go segwa. Ka se ke ka dumela, gobane ke be ke se na bohloko ka lehlakoreng laka. Dingaka tša re di ka se ntirele selo ntle le go segwa. Mafelelong ka dumela go e dirwa eupša ka gapeletša gore go šomišwe seikobatši sa gae gore ke kgone go bona ge ba sega.

Jo, ka nyaka yo mongwe go ba kgauswi le nna yo a tsebago Modimo. Ke be ke dumela go thapelo eupša ke sa kgone go rapela. Ka fao Moruti wa Kereke ya Pele ya Baptist a ya le nna phapošing ya ophorešene.

Ge ba mphološa tafoleng ba nkiša malaong ka ikwa ke felelwa ke maatla nako tšohle. Pelo yaka e tula ka thata. Ka kwa Lehu godimo ga ka. Mohemo wa ka o be o fokotšega nako tšohle. Ka tseba gore ke fihlile mafelelong a tsela ya ka. Jo mogwera leta go fihlela ge o fihla fao ga tee ka morago o tlo gopolka ka tše ntši tše o di dirilego. Ke be ke tseba gore ga se nka ka kgoga, ka nwa goba ka ba le mekgwa ya ditšhila eupša ka tseba gore ga se ka itokišetša go kopana le Modimo wa ka.

Mogwera, ge eba o no ba leloko la phuthego le le tonyago o tlo tseba ge o fihla mafelelong gore ga se wa itokiša. Ka fao ge eba seo ke seo o se tsebago fela ka ga Modimo wa ka, ke go kgopela re sa le mo gore o khuname gomme o kgopele Jesu gore a go fe bjona boitemogelo bja go Tswalwa lefsa, go swana le ge A boditše Nicodemus ka go Johanne, kgaolo ya 3, gomme joo ka moo 'tshipi tša lethabo di tlogo lla — A go tumišwe Leina La Gagwe.

Gwa thoma go fifala ka phapošing ya ka sepetlele bjalo ka ge nke ke ka sethokgweng se segolo. Ka kcona go kwa ge moyo o foka ka matlakala, le bjale go swana le ge e le tsela e kgolo ka sethokgweng. O šetše o kwele ledimo le legolo le tšutla matlakala, le tloga le go batamela kudu.

Ka gopola, "Go lokile, se ke lehu le tla go ntšea." Joo! Moya wa ka o be o tlo gahlanetša Modimo, ka leka go rapela eupša ka palelwa.

Ledimo la batamela kudu, ka lešata le legolo. Matlakala a hlohlorega gomme ka pejana ka ba ke šetše ke sepetše.

Gwa bonala nako yeo gore ke šetše ke boile gape ke le mošimane wa go se rwale selo maotong, ke eme mola tseleng yela ka tlase ga wona mohlare wola. Ke kwele lona lentšu lela le re, "O se ke wa nwa goba wa kgoga." Gomme matlakala ao ke a kwelego a be e le wona ale a tšutlilwego ka kua mohlareng 'tšatši leo.

Eupša nako ye lentšu la re, "Ke go biditše gomme ga o rate go ya." La boeletša lekga la boraro.

Nako yeo ka re, "Morena, ge e ba ke wena, ntumelele ke boele morago gape lefaseng gomme ke tlo rera Ebangedi ya gago go tšwa dintlhohlong tša nywako le magahlanong a ditsela. Ke tlo botša bohole ka yona!"

Ge pono ye e fetile, ka hwetša gore ga se ka kwa bokaone. Ngaka ya ka e be e sa le ka moagong. A tla a ntebelela gomme a makala. A lebelela bjalo ka ge nke o gopola gore ke hwile, gomme a re, "Ga se nna motho wa go ya kerekeng, go itlwaetša ga ka ke mo go-golo, eupša ke tseba gore Modimo o etetše mošimane yo." Ga ke tsebe, gore ke ka 'baka lang a bolela se. Ga go na le yo a šetšego a boletše se sengwe ka se. Ge nka be ke Tsebile nako yeo se ke se tsebago bjale, ke be nka tsoga moo malaong ka gowa A go tumišwe Leina la Gagwe.

Ka morago ga matšatšinyana ka dumeliswa go boela gae eupša ke be ke sa babja gomme ka gapeletšwa go rwala dipaketsane maahlong a ka ka 'baka la go se bone botse. Hlogo ya ka ya hlakana ge ke lebelela selo se sengwe nakonyana.

Ka thoma go tšwa ke nyaka le go hwetša Modimo. Ka ya kerekeng ye le yela ke leka go hwetša lefelo leo go lona go lego go biletšwa aletareng ya se-kgale. Seripa sa manyami ya ba ge ke sa hwetša le e tee. Ka re ge nka be ke le Mokriste, ke be nka tloga ke eba yena yoo. Moruti yo a nkwelego a re, "Bjale Billy mošimane, o thoma go tsena Bogafeng." Ka re ge eba ke na le bodumedi ke rata go bo kwa ge bo etla go swana le ka moo barutiwa ba dirilego.

Joo a go retwe leina la Gagwe. Ka hwetša tumelo ka morago gomme le bjale ke sa na le yona, e bile ka thušo ya gagwe ke tla e swarelela ka mehla.

Bošego bjo bongwe ka swarwa ke tlala ka Modimo 'me boitemogelo bja kgonthe ge ke ile ka tšwela ka mokutwaneng wa kgale ka morago ga ngwako gomme ka leka go rapela. Ke be ke sa tsebe mokgwa wa go rapela nako yeo ka fao ka no thoma go bolela Nae bjalo ka motho yo mongwe. Ka pejana gwa tla seetša ka mokutwaneng gomme sa dira sefapano 'me lentšu go tšwa sefapanong la bolela le nna ka 'leme le ke sa le kwešišego. La sepela nako yeo. Ke be ke tlemegile. Ge ke boelwa ke tlhaloganyo, ka rapela, "Morena, ge e ba ke wene, hle etla gomme o bolele le nna gape. "Ke ile ka bala Beibele ya ka go tloga nako yeo ge ke le gae ke etšwa bookelong gomme ka bala go Johanne 4, "Baratwa le se dumele meoya yohle, eupša e lekoleng ge eba ke ya Modimo."

Ke tsebile gore moya o bonagetše go nna, gomme ge ke rapetše wa bonala gape. Nako yeo gwa bonala nke go na le boima bjo sekete bo hlatlotšwego moyeng wa ka. Ka taboga gomme ka kitimela ka ngwakong gomme gwa bonala nke ke be ke kitima moyeng.

Mma a botšiša, "Bill, go diregileng ka wene?" Ka fetola, "Ga ke tsebe eupša ke tloga ke ekwa bokaone le kimologo." Ka se ke ka hlwa ke kgona go dula ka ngwakong. Ka swanelwa ke go tšwa 'me ke kitime.

Ka tseba nako yeo gore ge Modimo a ratile gore ke rere o tlo mphodiša, ka fao ka ya kerekeng yeo e dumetšego tlotšo ka oli gomme ka fola ka pela. Ke bone nako yeo gore morutiwa o na le se sengwe seo baruti ba bantši ba se hlokago lehono. Barutiwa ba ile ba

kolobetšwa ka Moya Wo Mokgethwa gomme ka fao ba kgona go fodiša balwetši gomme ba dira mehlolo e maatla leineng la Gagwe. Ka fao ka thoma go rapelela go hwetša kolobetšo ya Moya Wo Mokgethwa 'mme ka o hwetša.

'Tšatši le lengwe dikgwedi e ka bago tše selelago, ka morago Modimo a mpha tlhologelo ya pelo yaka. O boletše le nna seetšeng se segolo a mpotša gore ke ye ke rere le go rapelela balwetši gomme O tlo ba fodiša go sa ye le bolwetši bjo ba nago nabjo. Ka thoma go rera le go dira tše A mpoditšego go di dira. Jo mogwera, ga ke kgone go thoma go go botša tšohle tše di diregilego: Maahlo a foufetšego a boduloga. Dihlotša tša sepela, diphehli di fodišitšwe le mehuta yohle ya mehlolo e dirilwe.

'Tšatši le lengwe tlase ga Mokgotha wa Spring, Jeffersonville, Indiana, ka morago ga tsošeletšo ya 'beke tše pedi, ke be ke kolobetša batho ba 130. E be e le Letšatši le fišago la Agosetose gomme go be go le batho ba e ka bago ba dikete tše tharo. Ke be ke le kgauswi le go kolobetša motho wa bo-17 [Lesomešupa.—Mofetoledi] ge ka pejana ke ekwa lona, lentšwana lela le boleta gape gomme la re, "Lebelela godimo." Legodimo le be le swana le mphiri ka lona 'tšatši leo la go fiša la Agosetose. Re ile ra hloka pula lebaka le go ka ba beke tše tharo. Ka kwa lentšu gape, gomme nako yeo gape lekga-la-boraro la re "Lebelela godimo."

Ka lebelela godimo gomme moo legodimong gwa tšwelela naledi e kgolo e phadimago yeo ke e bonego

makga a mantši pele eupša yeo ke sa kago ka le botša ka ga yona. 'Nako tše ntši ke be ke botša batho ka go bonala ga yona 'mme ba be ba no sega 'mme ba re, "Bill, o no se gopola seo. Goba mohlomongwe o be o lora." Eupša a go tumišwe Modimo, nako ye o Iponaditše go bohle, gobane e mpata metše kudu ebile ke šitwa go ka bolela. Ka morago ga ge go fetile metsotswana ka gowa gomme batho ba bantši ba lebelela godimo 'me ba bona naledi mo godimo gaka. Ba bangwe ba edibala mola ba bangwe ba hlabatša mašata le ba bangwe ba tšhaba. Nako yeo naledi ya boela legodimong, gomme felo fao e tlogilego gona go be go ka ba dikgato tše lesomehlano ge le ipoeletša, gomme lefelo leo la tšwela-pele le šutha gomme le phekogga goba boka ge maphotho a pshikologa. Moo lefelong leo gwa bopega lerunyana le lešweu gomme naledi ya amogelwa mo lerunyaneng.

Mmadi yo a rategago, ge nkabe ke na le sebaka ka pukung ye go le anegela ka dilo tše ntši di diregilego, le ka mokgwa woo mokutswana wa rena o agilwego, le ditsošeletšo tše ntši tše maatla re di swerego. Batho ba be ba etšwa kgole le kgauswi gore ba fodišwe. Eupša ke ya go dira puku ye e nngwe le go ba e nnyane gore e seke ya tura gomme e fihlelelwé ke bohle. Dilo tše ke tša go le tsebiša gore Jesu Kriste o sa swana bjalo ka ge a be a le maabane le lehono mme o tla ba neng le neng, gomme le swanelwa ke go mo dumela gomme le bolokege. Ge o kgonà, nako efe kapa efe ditsošeletšo tša rena di le kgauswi le wena, hle di tseneleng.

MABOPAKI

Bjale matlakaleng a latelago le tlo hwetša Ma-Bohlatse a ba bangwe bao ba ilego ba fodišwa dikopanong tše dingwe tša rena.

Ke be ke le bookelong ka New Albany, Ind. ge ke ekwa ka Ngwanešu Branham. Ke be ke thutšwe ke koloi. Dikgopo tšohle tša ka di be di tloga di robegile. Mokokotlo o phetlegile. Ke be ke feletšwe ke tshepo, ka thokong ya thušo ya dihlare.

Ngwanešu Branham a nthapelela, gomme ka pejana 'kgopo tšaka tša boela madulong a tšona, le mokokotlo wa ka gape. Ngaka ya se kgone go kwešiša. Ka tsoga, ka apara, ka ya gae, gomme ka ya go šoma.

A go tumišwe Modimo ka Maatla a Gagwe a Phodišo.

William H. Merrill, 1034 Clark St., New Albany, Ind.

Ke ile ka ba segole nywaga e mentši. Ke tlemeletšwe malaong nako e nngwe. Maoto a ka a be a ngangegilie ka fao ka se kgone go sepela. Ngaka ya re nka se ke ka sepela. Ka kwa ka Ngwanešu Branham le ka moo Modimo a ilego a araba dithapelo tša gagwe. Ka fao ka mmitša. Yena le monna yo mongwe yo moswa a bitšwago, De Ark, ba tla gomme ba nthapelela. Ka pejana maoto a ka a fola. Ka kgona go sepela. Le bjale ke sa sepela. E be e le nywaga e 4 e fetilego go tloga mola e direga.

Ke tumiša Modimo ka Maatla a gagwe a Makatšago.
Mgdi. Mary Der Ohanion, 2223 E. Oak St., New Albany, Ind.

Go yoo e Amanago nae.

Ke be ke golofetše nako e kgolo. Maoto a ka a be a robegile 'mme ka se kgone go sepela gape. Go ya ka polelo ya Ngaka. Morwa'ke a nkgokološetša kopanong ya Ngwanešu Bill, ka setulong sa ka sa maotwana. Bošegong bjoo ka bona monna a sepela yo a sa kago a sepela nywageng e 18. Ke bone gape monna a boela a bona gomme a sepela ka kerekeng ntle le thušo. O be a le sefou nywaga e 40 le ba bangwe ba bantši, digole le malwetši a mehuta-huta a fodišwa bošego bjoo. Ka fao ge go fihla nako ya ka ya go rapelelwa, ka ba le tumelo ya go dumela go Jesu, gore ke wa maabane, lehono, le wa neng le neng. Ngwanešu Bill a nthapelela, a ntshwara ka letsogo 'mme a re, "Leineng la Jesu — sepela."

Ka kwa maatla a Modimo a etla go nna. Maoto a ka a a bego a nkgimaretše ka pele a ya lebatong gomme ka thoma go sepela, le go tumiša Modimo, ka tlogela setulo sa ka sa maotwana sa kgale gomme ka sepela gofeta meago ya toropo ke eya gae.

Mdgi. T. Hargrove, 149 Spring St., Jeffersonville, Indiana.

Ke be ke beetšwe go hwa nywaga e mebedi e fetilego ka kankere. Ke be ke tsebile Ngwanešu Bill menywaga. Ke mo tsebile e le motho yo a lokilego e bile ke ile ka ba dikopanong tše ntši tša gagwe. Modimo a mo šegofatša

gomme a dira, mehlolo e mentši-ntši ka yena. Ka mmitša gore a nthapelele. Kankere ya ka ya tloga.

Ke sa thabile, ke reta le go leboga Modimo.

Mgdi. L. Stinner, Missouri Ave., Jeffersonville, Indiana.

Ke be ke beetšwe ke ngaka ya lapa lešu, di-iri di se kae gore ke phele. Ke babjitše nywaga e ka bago e 3 ke kankere.

Monna ka leina le Wiseheart a mpotša ka Ngwanešu Bill. Ba sepetše meelo e 35 gare ga kapoko le lehlwa go tla go nna. Nako yeo ba fihla, ba hweditše bagwera baka le meloko ba kgobokane go tlo mpona la mafelelo. Barwedi ba ka ba ba ntheketše diaparo tša lebitla go mpea ka moo. Ke be ke šetše ke edibetše ge Ngwanešu Bill a fihla moo. A kgopela bohle ba ba sa dumelego gore ba tšwe ka phapošing. Nako yeo a khunama 'mme a nthapelela. Ka kwa maatla a Modimo godimo ga ka ge a mpeile matsogo, gomme ka pejana ka kwa kankere ya ka e tlogile.

Ka ema ka maoto a ka ka tumiša Modimo ka maatla a gagwe. Seo se diregile nywaga e 4 e fetilego 'mme ga nka ka hlwa ke eba le kankere go tloga moo.

Ke tumiša Modimo ka Botho bja Gagwe.

Mgdi. Sarah Hoyse, Middletown, Ind.

Ke be ke le segole go tloga tswalong. Ke be ke sa kgone go sepela goba go šomiša matsogo le difaka. Ka kwa moo Ngwanešu Bill a bego a swere kopano e

makatšago ya phodišo. Ka e tsenela gomme ka bona dilo tše ntši di makatšago di dirwa ka tumelo leineng la Jesu le go bewa diatla.

Ngwanešu Bill o nthapeletše, nako yeo a ntebelela thwii 'mme a re, "Ka Leina la Jesu, sepela." Ka kwa maatla a Modimo a etla mmeleng wa ka. Ka hlompha, gomme la mathomo bophelong ka thoma go sepela. Ke be ke na le nywaga e 35.

Modimo matšatšing a a bofelo o dira dilo tše makatšago.

A go tumišwe leina la Gagwe ka go sa felego.

Bagwera ba ka ba rategago, go na le ba bangwe bagwera ba ba ilego ba fodišwa gomme ba ka rata go fa bohlatse bjalo ka dihlatse tše maatla a Modimo eupša ga re na sebaka sa bona ka pukung ye. Mabohlatse a a filwego a go tiisa maatla go dumela Jesu Kriste le go mo tseba bjalo ka Mophološi le Mofodiši wa gago.

Bontši bjo bo balago Beibele, bo re, "Ge nkabe ke phetše nakong ya Beibele, ke be nka ya go Jesu gomme A nthuša." Mogwera, O mo lehono go go thuša, bjalo ka ge a be a le gona 'tšatši lela. Dumela fela Moya Wo Mokgethwa, Ke Yena Tlhatse ya Jesu. Hle, gona moo o lego gona, Mo dumele, gomme o tla fola.

MOLAETŠA-THERO

Temana-thero ya rena e hwetšwa ka go Jesaya, 53:5.

"Anthe o hhabilwe ka 'baka la dikarogo tša rena, o tlapirigantšwe ka 'baka la makgopo a rena. Kotlo e wetše Yena godimo 'mme ra tlelwa ke go fola ka dintho tša gagwe."

Bjale mogwera, Beibele e re "re tletšwe ke go fola ka dintho tša Gagwe". 'Mme re tlo amogela gore re sa na le tebalelo ya dibe tša rena ka madi a Gagwe a tšholotšwego, go sa ye le gore re dirile eng. Ke ka 'baka la eng? Gobane ke ka poelano, o re. A dintho tša Gagwe e be e se tša Phodišo le mo poelanong? Ge eba poelano phodišong e feletšwe ke maatla gona o sa le dibeng, tša, gago poelaneng ka gore dibe tša gago di dirilwe ke ona Madi wona ale a tšwago go yena motho yola lefelong lona lela, nakong yona yela, lona tšatši lela.

Nako yeo o tlo bolela gore di a šomišana goba ga bo na mohola.

Aowa, mogwera, no dumela Jesu phodišong bo'ka ge o mo dumela ka dibe tša gago, 'mme poelano e tlo ba le mohola woo. E tlo go šomela ka tsela e nngwe, ge o dumela gore e diretšwe wena mo letšatši le le bona bale ka letšatši lela.

Go no swana le ge o theogela nokeng go tshela ka seketswana, o bona ba bangwe ba tshela, ka fao ke ka

'baka la eng wene o sa kgone? Ga o ye go molaodi wa seketswana seo gomme wa mmotšiša ge eba se ka lokela leeto goba aowa. O no lefa tefelo, wa namela gomme wa dula fase. Nako yeo go tlo tšea mosepediši wa sona go go tshediša noka.

Ke mokgwa o tee ka Phodišo-Kgethwa, o bona bà bangwe bà fodišitšwe le wene o ka fodišwa. E ya go Jesu fela. Tefo mo ke go dumela, ka morago go tšea Jesu go go lebelela.

A, wa'rra le kgaetšedi, Mo dumele, le wene o tlo fodišwa. 'Tšatši la Mehlolo ga se la feta go bao ba dumelago gore ga go bjalo.

Sa mathomo se o se dirago ge o beakanyetša pikiniki ke eng? O tšea tšupamabaka ya kgale ya basadi gomme o bone ge eba 'tšatši leo tšupamabaka e re e tlo na goba go tlo ba gabotse. Gomme o tlo thaba ge e re go tlo ba gabotse. Gomme o tlo re, "Re tlo beakanyetša pikiniki letšatši leo." O tlo reka dijo tšohle tša gago gomme wa itokišetša go tšwa fela gobane tšupamabaka e re "go gabotse."

A, warra le kgaetšedi, o ba le tumelo e ntši go tšupamabaka, ke ka baka la eng o sa dumele Lentšung la Modimo? Gopola Modimo o na le bao ba dumelago ka mehla, ke ka 'baka la eng o sa rate go ba yo mongwe wa bona bjale? Bala Mareka 16 gomme o bone gore taelo ya mafelelo e felwego phuthego ke go fodiša balwetši. O rile, "Gomme mehlolo ye e tlogo felegetša ba ba dumelago še."

Ge phuthego ya gago e re e a dumela gomme mehlolo e sa latele, ka fao go ya ka Lentšu la Modimo ga ba dumele.

Kgopela yo mongwe lehono mohlolo o mokaone wa modumedi gomme ba tlo šupa yo mongwe wa maemo a makaone. Yo a lefago gabotse ka sebjaneng sa go kgoboketša. Jo mogwera waka, ga ba sa tseba selo ka Modimo go feta ge Mokgothu a dumela go lešole la Egipita, 'mme ba bangwe ba bona ke barutwa ba ba phumutšwego gabotse go tšwa diseminareng. Eupša ga se wa swanelwa go rutega go tseba Modimo. Eupša o swanetša go dira go fetiša ba bantši ba bona, o swanetšwe go dumela gomme ge o rata mehlolo ka go Mareka 16: 17-18 e tlo go felegetša boka Jesu ge a rile e tlo go felegetša.

Gopola ka go Mareka 16 go thwe bolela Ebangedi go dibopša ka moka. O ka no re, "Ngwanešu Branham, Ebangedi ke eng gore re tsebe ge eba re nayo goba aowa. A ke Lentšu?"

Paulo o rile Ebangedi e re tlala e sego fela ka lentšu eupša ka Maatla le Ponagatšo ya Moya Wo Mokgethwa. Ka fao a o ka se be le Maatla a Moya o Mokgethwa go bontšha mehlolo yeo ya Mareka 16?

Bula le nna 2 Thimothi, Kgaolo ya 3 gomme o bone ka mokgwa woo Moya Wo Mokgethwa o rego ka matšatšing a mafelelo batho ba tlo ba le sebopego sa borapedi eupša ba tlo latola maatla a bjona, gomme go bona batho bao Beibele e re o šatoge.

A seo ga se seka sa gore re phela matšatšing a bofelo? Batho ba latola maatla a go fodiša le go lokologa dibeng.

Dikereke di tlelwa ke go tonya temometara e theogela go masometshela ka fase ga lefela. O ka se kgone go ba le phenyo gomme wa ithuta Phodišo ya-seMoya ka meletlo ya karata le disekerete. Batho ba bangwe ba ya kerekeng ka LaMorena mesong ka disekerete tše kgolo melomong ya bona, ba bonala bjalo ka pholwana ye e ripilwego dinaka ya Texas. Lentšu le re botša gore re itlhwekiša ditšhileng tšohle. Jo ngwanešo, šatoga dilong tša gago tša lefase gomme o direle Modimo. Ka morago ga fao ó tlo go dumelela go sepela tseleng ya Gagwe ye e lekelelanego ye Kgethwa bjalo ka ge Jesaya Kgaolo ya 35 e boletše.

Ge yo mongwe a ka go tlišetša pampiri ya tšalete ya \$70,000.00 o tlo thoma wa thaba. Ge nka go botšiša gore o thabišitšwe ke eng, o tlo fetola gore o na le \$70,000.00. Ge eba ke ile ka belaela o tlo mpha pampiri ya tšalete. Ge nka re ke fela seripa ya letlakala se se ngwadilwego o tlo fetola ka pela gore go swanetše go ba \$70,000.00 e beeleditšwego le Mmušong wa Dinaga tše di Kopanego pele ga pampiri ge e ngwalwa le gore ka fao mmušo o tlo e emela.

Tseba ka fao gore Jakobo 5:14 e re thapelo ya tumelo e tlo phološa molwetši. O ka no re e fo ba letlakala le le ngwadilwego. Eupša ngwanešu, Legodimo lohle le eme le Beibele.

Ge o bala Lentšu la Gagwe gopola gore tshephišo ke ya gago. Nako yeo o thome go thaba le go dumela gomme O tlo go fodiša.

Ke Modimo wa lehono le wa neng le neng. Amene.

Voice Of God Recordings, South Africa Office
P.O. Box 178, Somerset West, 7129 Cape Province, Republic Of South Africa

NORTH SOTHO

©1992 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org